



Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

III. Markgraf Hermann bezeugt, daß der Bischof und das Kapitel zu Brandenburg für ihn zur Auslösung des Schlosses Ziesar 300 Mark Silber gezahlt haben und verspricht ihnen dafür die Ueberlassung der ...

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

II. Die Markgrafen Otto und Albert vereignen den Bürgern Teltow's alles Holz in ihren Waldungen bei Teltow, am 7. Juli 1273.

In nomine sancte et indiuidue trinitatis Amen. Nos Otto et Albertus, dei gracia marchiones brandenburgenses, omnibus in perpetuum. Propter labilem hominum memoriam necesse est, quod ea, que apud homines perpetua debent esse, scriptis autenticis confirmentur, vt testium voce literarumque testimonio robur obtineant perpetue firmitatis. Hinc est, quod notum facimus vniuersis, tam presentis temporis, quam futuri, tenore presentium protestantes, quod nostram totalitatem lignorum, sitorum ciuitatem nostram Teltowe, eiusdem ciuitatis Burgensibus damus proprietatis titulo in perpetuum possidendam. Vt autem predicta per nos et per succedentes nobis nostros heredes in perpetuum inuiolabiliter obseruentur, prefens scriptum ex certa nostra consciencia sigillorum nostrorum appensione facimus roboratum. Testes huius rei sunt nostri milites: dominus Johannes de Lindowe, dominus Henricus de Bredowe, dominus H. de Groben, filius domini A. de Groben, Datum Spandowe, anno domini M^o. CC^o. LXXIII, III nonas Julii.

Ego Johannes Angelus etc.

Aus der vidimirten Copie im Geh. Staats-Archive, welche stellenweise nicht mehr lesbar ist.

III. Markgraf Hermann bezeugt, daß der Bischof und das Kapitel zu Brandenburg für ihn zur Auslösung des Schlosses Ziesar 300 Mark Silber gezahlt haben und verspricht ihnen dafür die Ueberlassung der Stadt Teltow mit dazu gehörigen Dörfern für den Fall seines kinderlosen Absterbens, am 11. April 1299.

Hermannus, dei gracia Brandenburgensis marchio et comes de Henneberg, Omnibus christi fidelibus presentem literam inspecturis seu auditoris salutem in omnium saluatore. Cum mater Erroris obliuio in Rebus gestis confusionem paret et inducat, expedit acta presentium sigillatis apicibus eternari. Hinc est, quod tenore presentium Recognoscimus publice protestantes, quod venerabilis pater et dominus Volradus, Brandenburgensis Ecclesie episcopus et Capitulum eiusdem Ecclesie, pro redemptione Castri in Segesere pro nobis Hinrico et Frederico fratribus de Aluensleue, nostris fidelibus dilectis, soluerunt et exposuerunt Trecentas marcas Brandenburg. argenti. Nos vero in restaurum et recompensam dictarum trecentarum marcarum et ob remedium animarum progenitorum nostrorum et nostre Donamus et liberaliter assignamus eidem domino Episcopo et suis successoribus et Capitalo eiusdem Ecclesie Brandenburgensis, Si nos sine filio legitimo et herede discedere contigerit, Ciuitatem Teltow cum villis infra scriptis uidelicet Ghifelbrechtstorp, Hinrichstorp, Rueuelstorp, Stanstorp, Schonow, Slaucum Stanstorp et Slaucum Stolp, Ragnis, aquis aquarumque decursibus, molendinis, pratis, pascuis, terris cultis et incultis, prout suis terminis distingantur cum omni iure et proprietate, sicut nos et nostri progenitores possedimus pacifice et quiete. Insuper omnia bona et omnes decime, quas ab Ecclesia tenemus Brandenburgensi, que in ipsorum priuilegiis plenius continentur, Si nos absque he-

rede discedere contigerit, ad dictam ecclesiam Brandenburgensem libere reuertentur impedimento quolibet relegato. Si vero gracia diuina disponente filium habuerimus et heredem, dictas Trecentas marcas prefato domino Episcopo et Capitulo Brandenburg. infra tres annos sine dubio et atque omni obstaculo refundemus, jta quod primo anno Centum, secundo Centum, tertio anno centum marcas integraliter perfoluemus, vel pro singulis Centum marcis decem frusta duri frumenti uel Decem talentorum redditus assignabimus eidem cum omni jure et proprietate in loco oportuno, vbi visum fuerit eidem convenire, liberaliter et solute. In cuius Rei euidentis testimonium presentem litteram de dicta nostra sciencia conscriptam iussimus communiri. Testes hujus sunt: Dominus Johannes prepositus et Johannes cellerarius Ecclesie Brandenburgensis, Hinricus de Aluensleue, Bernardus de Plozk, Johannes de Gatersleue, Stormerus pincerna et alii nostri milites fide digni. Actum et datum Zpandow, Anno domini Milefimo Ducentesimo nonagesimo nono, III^o. Idus Aprillis, jn vigilia palmarum.

Sibicin's Beitr. IV, 4. — Nach dem Originale des Geh. Staats-Archives.

IV. Der Römische König Albert bestätigt das zwischen dem Bischofe von Brandenburg und dem Markgrafen Hermann getroffene Abkommen wegen der Stadt Teltow, am 11. August 1299.

Albertus, dei gracia Romanorum Rex, semper Augustus, vniuersis Sacri Romani imperii fidelibus presentes literas inspecturis gratiam suam et omne bonum. Serenitatem decet Regiam principum suorum vota sereno vultu respicere ac ipsorum piis petitionibus tam benignum prebere consensum, quod eorum sincera fidelitas seu fidelis sinceritas prompiori studio ad cuncta, que honoris sunt Imperii, seruencioribus animis se disponant. Hinc est, quod nosse volumus vniuersos, tam presentis etatis quam future, quod nos sinceri fauoris beniuolencia volentes venerabilis Volradi, Brandenburgensis Episcopi, principis nostri dilecti, in hiis que ipse et Ecclesie sue commoditatis augmentum respiciunt et honoris, beneplacitis placidius complacere, collacioni seu donacioni facte eidem sueque Ecclesie de opido Teltowe cum Septem villis eidem coadiunctis seu adiacentibus per Illustrem Hermannum marchionem de Brandenburg, principem et filium nostrum karissimum, jta si ipsum sine heredibus legitimis contingat discedere ab hac vita, si vero heredes habuerit, jdem opidum et villas dictus Marchio pro trecentis Marcis Brandenburgensis argenti redimet ab Ecclesia memorata, prout in ipsius litteris super hoc traditis expressius est expressum, Consensum nostrum et assensum beniuolum liberaliter impertimur, ipsam collacionem et proprietatis donacionem in omnibus et singulis suis articulis approbantes et de plenitudine Maiestatis Regie confirmantes. In cuius approbacionis et confirmacionis nostre euidentis testimonium et memoriam sempiternam presens scriptum exinde conscribi et maiestatis nostro Sigillo iussimus communiri. Datum in Ezzelingen III^o. Idus Augusti, Anno domini M^o.CC. nonagesimo nono, Indictione XII^{mo}. Regni nostri anno primo.

Sibicin's Beitr. IV, 7. Das Original befindet sich im Staats-Archiv.